

近代中國史料叢刊第二十九輯

沈雲龍 主編

還讀我書室老人手訂年譜

董

恂著

文海出版社印行

還讀我書
室者人年
譜



10/10/10

光緒十八年閏六月十八日

內閣奉

上諭原任戶部尚書董恂老成練

達由部屬外任監司疊荷

先朝恩眷擢授府尹游陟正卿宣力

有年克勤厥職嗣降旨令其開
缺茲聞溘逝軫惻殊深著加恩
照尚書例賜卹所有原任內一
切處分悉予開復應得卹典該
衙門察例具奏欽此

皇帝諭祭原任戶部尚書董恂之
靈曰鞠躬盡瘁臣子之芳踪
賜卹報勤國家之盛典爾董
恂性行純良才能稱職方冀
遐齡忽聞長逝朕用悼焉特

頌祭葬以慰幽魂嗚呼寵錫
黃墟庶沐匪躬之報名垂青
史聿昭不朽之榮爾如有知
尚克歆享

光緒丙戌還讀我書
室老人八十小像



我念棠陰去後思廣陵古埭潮遺基謝
公自繫蒼生望不是靈侯坐賭棊 輶
車南北考方輿三載窺園又著書
君著有隨輶載華七種并轉漕江程各華紀戶
部海運後業亦成於君多此志別前年崑里後所著也 為
問玉杯蕃露外一官一集復誰如 奉題

醞卿大兄先生 甘棠小志寄請

政旬 戊午歲七月愚弟祁篤藻



右三十車前 祁文端師贈句之歲戊子謹摹勒識此時年八十有二

還讀我書室老人手訂年譜

老人系出江都董氏名恂字忱甫號醞卿先世於前明洪武間自蘇州府遷遷揚州江都之邵伯鎮 國朝雍正十年壬子析江都地置甘泉縣鎮隸甘泉遂為甘泉縣人民籍

嘉慶十二年丁卯八月初四日卯時生

時我 父光祿公

公諱萬元字善長 門下士山左郭仁山謹填諱

具慶家居

丁太夫人 生余於鎮之運河西惠政橋東南舊第 先大

父錫五公

公諱維福

得長孫甚喜名之曰椿小字長春欲其壽

也因字壽卿自遷邵鎮至是垂五百年 五世祖孟綱公

公諱 高祖冠賈公 公諱 會祖煥文公 公諱 會祖妣
德明 洪茂 啟章

熊太夫人 祖錫五公 祖妣薛太夫人

十三年戊辰二歲

十四年己巳三歲

十五年庚午四歲

先大父翦紙為書逐字指授壁懸朱柏廬治家格言口授

畧能成誦

十六年辛未五歲

十二月十六日鄉林弟桂生

十七年壬申六歲

十八年癸酉七歲

始出就學從龔民懷師

諱同轅
太學生

受書於潘氏宗祠五月十

六日 大父錫五公捐館舍卜吉葬閔家橋舊塋

十九年甲戌八歲

十月十二日 光祿公捐館舍卜吉葬閔家橋舊塋連年

兩遭大故五內摧傷茫無所措日共我 母我 大母哀

號勸慰而已是年湖水秋漲運河東連舊第半圯於水

二十年乙亥九歲

舊屋破不可居我 大母我 母并余及一幼弟爰爰無

依遷運河東廟巷南倉巷北大街東 丁太夫人脫簪珥

力鍼帶命出就學從余嘯溟師

諱兆鯤
邑庠生

受書

二十一年丙子十歲

遷紅橋西李家巷巷西口濱運河余居邵鎮凡三遷此其

再也惟居此最久凡二十有五年道光乙巳囑同官田吉

生

祥

繪篝燈課讀圖亦卽繪此

二十二年丁丑十一歲

太夫人命率薌林弟

二十三年戊寅十二歲

二十四年己卯十三歲

二十五年庚辰十四歲

道光元年辛巳十五歲

經書粗讀畢

二年壬午十六歲

受業潘侶笙師

諱虞

三年癸未十七歲

四年甲申十八歲

傲屬於外設塾訓蒙

五年乙酉十九歲

應童子試

試題春秋好辯章
賦得鳥鳴桑椹熟

堂備未售批云語不枯滑神

亦酷肖次詩俱通順

六年丙戌二十歲

元配談夫人來歸自此家遂有五口

七年丁亥二十一歲

八月二十九日子蓉生九月初五日 大母薛太夫人棄

養以承重丁憂停試

八年戊子二十二歲

移訓蒙塾於家

九年己丑二十三歲

十年庚寅二十四歲

服闋應試受知郡侯黃松溪先生

諱在厚

邑侯鍾挹雲先生

諱承露

府縣前列是年五月初九日女蘭生

十一年辛卯二十五歲

院試取入縣學第六名

試題夫子不答南宮适出如追放原既入其莛又從而招之賦得時

有養日得時字學使爲白小山師諱銘時官吏部右侍郎同案十八人撥府

者六

十二年壬辰二十六歲

正月十三日薊林弟以勤業積勞成疾棄世舊塋無地權

附塋側雁影中分酸楚何極事實畧具先後祭文中是年

歲試一等第六名並取詩古學使爲廖鈺夫師諱鴻荃謚文恪時官

內閣學士兼禮部侍郎銜詩古覆試日具 丁太夫人節孝事實面呈

請匾旋給匾式並牌示荻筆書芬四字是年館王春江司

馬宅藏書甚富藉資流覽梅花書院甄別錄取正課肄業

時兩淮運使爲俞陶泉師諱德淵自是至庚子觀政以前甄

別月課歷取正課超等十二月十六日女芸生

十三年癸巳二十七歲

學使科試一等第四名並取詩古俞陶泉師數於院課時
言余姓名與前鹽政同諭改名至再是年科試後因更名

醇

十四年甲午二十八歲

補增廣生

十五年乙未二十九歲

歲試一等第八名並取詩古學使爲龔季思師

諱守正諡文恭時官

戶部左

侍郎

十六年丙申三十歲

二月初五日女蕙生

十七年丁酉三十一歲

遷東街以上三遷皆典產是年科試一等第四名並取詩

古鄉試中式第二十二名

同榜百十七人頭場題博學而篤志二句禮儀三百二句昔者

有饋生魚至子產曰得其所哉得其所哉賦得人在鏡心得人字

主考爲清苑王曉林師

諱植時官刑

部右侍郎 蒙古柏聽濤師

諱夜時官內閣學士兼禮部侍郎銜

同考松陽

楊研生師

諱孫芝時以大挑知縣候補

榜後初謁梅花書院山長徐松

泉師

諱培深前廣西道監察御史

十八年戊戌三十二歲

計偕北上報罷歸里

十九年己亥三十三歲

設塾於家仍藉脩脯供菽水七月二十三日女茗生

二十年庚子三十四歲

會試中式第六十七名

同榜百八十三人頭場題如琢如磨者自脩也蓋均無貧和無寡用

下敬上謂之貴費用上敬下謂之尊賢賦得慎脩思永得謨字

總裁潘芝軒師

諱世恩加太傅謚文

恭時以武英殿隆雲章師諱文謐端毅時 官戶部尚書 龔季思師時 官

大學士管理戶部 禮部 王藕塘師諱瑋慶時官 同考陳鐵橋師諱憲曾時官 翰林院侍講

尚書 戶部右侍郎

保和殿覆試一等第十六名覆試題子曰不憤不啟一章賦得金人示戒得言字

殿試二甲第十八名是科二甲八十七名三甲九十名

朝考入選第三十四名是科入選共五十八名題為子罕言利論察吏安民疏賦得霖雨思賢佐得心

字時未有一二三等之制 但有入選不入選之分

賜進士出身

欽點主事分部學習簽分戶部雲南司尋兼浙江司行走是年順

天鄉試 恩科充內簾收掌官差竣乞假迎養

二十一年辛丑三十五歲

奉 丁太夫人由水路入都盡室行子蓉聘媳同邑庠生

趙紫卿諱女貞齡隨行寓繩匠衚衕路東

二十二年壬寅三十六歲

分部分司以來讀漕運全書本部則例以朱紫藍墨筆分別標記并讀張文端書楊勤懋書公餘輒臨漢碑自手錄公牘外不復臨楷帖是年堂派幫辦雲南司主彙

二十三年癸卯三十七歲

六月二十七日談夫人去世夫人勤儉孝慈得重慈歡以
憶岳母齊太孺人不得見成癢事實畧具手製祭文彙中
閏七月二十七日子蓉以毀亡聘媳趙氏立志守貞幾以
身殉 太夫人傷悼致疾以內助無人命置側室十二月
堂派現審處差是年移寓潘家河沿路西葉姬來

二十四年甲辰三十八歲

正月二十九日以學習期滿引

見養心殿奉

諭准其留部六月派充漕運全書館總纂是書開辦數年未竣至

是揮汗如雨連宵達旦以速補遲十二月告成進呈黃冊
奉

旨依議發刊

二十五年乙巳三十九歲

三月初二日子蓮生

奉薊林弟後

丁太夫人前經禮部題准

旌表節孝是年繪篝燈課讀圖成不數年間詩文贊頌斐然成集

後修揚州府志甘泉縣志均由書局採訪開載十月十五

日恭遇

覃恩時

臣

醇以雲南司主事加一級

誥賜贈臣 祖父奉直大夫如醇官 祖母為宜人

誥贈臣 父奉直大夫如醇官

誥封臣 母為太宜人是年七月堂派現審處主稟十一月堂派

捐納房差

二十六年丙午四十歲

三月堂派雲南司正主稟五月堂派捐納房正主稟閏五

月潘芝軒師派隨帶稽查京通十七倉六月隨祁春圃師

諱騫藻贈太保諡文 文孔脩師 諱慶贈太保諡文 端時官戶部尚書 端時官兵部尚書 馳驛天

津查辦長蘆事件作問津記一 是為隨軺載 同事為敬廉 筆七種之一

階文陸小雅以十二月隨柏靜濤師時官戶部右侍郎陳子鶴倉

帥諱字恩督收天津南來商米作問津記二時以南漕河運

費冗將行海運以此為嚆矢試海道同事為聯秀峯英

二十七年丁未四十一歲

二月隨花松岑少農諱沙納陳子鶴倉帥督收海運商米作

問津記三計收買米三十萬石有奇同事仍聯秀峯是年

四月初十日子茗生

二十八年戊申四十二歲

三月隨朱桐軒師諱鳳標贈太子太保諡文端時官戶部侍郎德默庵倉帥諱誠

赴津驗收海運南糧作問津記四有步韻海運紀事詩四

律同事為奎印甫

綬時為坐糧廳監督

聯秀峯是役也較河運計省

冗費銀九十餘萬兩即以此於是年儘數糴南米隨漕實

京倉差竣蒙

恩遇有主事缺出儘先補用七月二十八日補福建司缺仍主雲

南司橐八月堂派則例館總纂九月派偕齊文甫

斌達聯秀

峯英

熙挹雲

麟諡忠勤

陸小雅

以烜

趙笠農

霖

會同捐納房議變

通捐輸章程是年冬王大臣議折漕同司聯銜具稟爭之

不得復單銜具稟爭之作駁折漕議云

國家漕東南粟歲四百萬達

京師長江爲咽喉黃河爲胸膈在在可虞而行之不廢繫豈不知變計蓋其意甚深遠也各直省州縣常平穀數載在則例試廉其地不獨無粟甚且無倉

畿輔重地萬萬不宜有此檢京通倉十有七爲廩凡千二百有奇廩受萬石歲進糯稷粟麥豆斷不至無倉二十四旗百二十一甲喇千三百八十五佐領合材官技擊廝養羨卒十七萬人計口月給旗倉遞推如轉環雖有侵耗斷不至無粟是何也州縣僅積貯之虛名京通有出納之實

事也挨年而放有推陳出新之義無月不支有以放代盤之義若改折收折放別採買以實儲備勢不至如州縣之無粟無倉不止夫漕法之敝蠹於倉者花戶蠹於壩者經紀蠹於幫者尖丁蠹於州縣者奸胥豪棍諸弊膠結堅不可解以折色舉而空之謂非快事哉然萬一有警軍無見糧轉輸不及誰執其咎竊以爲不可或曰民糶於南以輸官官糶於北以給兵收折色放本色倉制不變儲備無虞可乎曰民糶於南其直賤官糶於北其直貴今將逆計採買之價之昂商運水陸舟車之費之鉅而概取諸民民不

堪也若取民所糶之直令稍稍增益之不敷採買官籌經費以補助之議省費轉滋費國不堪也重徵病民輕徵病國無一而可且額漕盡折徵耶商歲運四百萬勢必不能分成折徵耶南北漕衙門均不能裁未見其省也不如仍徵本色便稟留其折漕議覆各摺具手錄折漕議彙中有折漕議彙序十二月二十一日女芸于歸玉田檢討孫雲溪同年諱晉子光燮

二十九年己酉四十三歲

二月初吉懸瀆司職守說於司堂上年祁春圃師言先大

夫嘗官雲南司主司稟有已庚編有滇司職守說因出以

見示至是乞養鶴汀師書職守說一通與同人謀刊而懸

之以垂久遠四月杪右堂福原修諱濟派赴步軍統領署會

同查辦旗務積弊同事為銓部崔葛民伺昇如亭福慶禮

庭約薛鶴亭鳴比部袁小泉彥文勵泉熙提督署聯桂岩

芳閏四月隨陳子鶴司寇福原修司農馳驛山西查辦事

件作迎薰記是為隨軺載筆七種之五同事為比部奎印甫程容伯恭

提督署烏芝齡雲是年四月初十日子蕢生比自晉差旋

已殤時都中議采買因輯采買議作采買議輯序其利病

詳具序中六月二十三日隨星使覆

命是日堂派會查浙省已征未解錢糧事件同事為軍機吳補之

光業 袁午橋 甲三諡 端敏 聶雨帆 懷 崇雲谷 泰 穆清軒 蔭 瑞慰農

春 比部張叔涵 春 袁小泉 彥 鄭小珊 敦 桂雲生 昌 文星崖

煜 崇楚帆 祥 本部熙挹雲 麟 保樂齋 衡 杜蘭溪 學 九月那

春圃師 時以戶部尙書 協辦大學士 派隨辦會同查訊涂侍御奏參倉

場事件同事為軍機邵位西 懿 崇雲谷 泰 銓部祥蘭圃 裕

寶蘭泉 坊 儀部恩履堂 成 提督署聯桂岩 芳 本部王漢橋

映 斗同時堂派覆覈籌賑事例章程同事為齊文甫 斌 達熙挹

雲陸小雅十月朔隸書甘棠萬壽宮碑碑為徐來峯玉豐撰

初二日接春圃師函諭其畧云今日奉

旨出差蜀中敬煩同行比年鞅掌深抱不安賢者多勞想不見棄

也偕同事比部馮曉滄棧本部鍾石帆秀馳驛隨行於月

之十三日涿州行轅始發封知所往於是作度隴記是為隨軺

載筆七既抵蘭垣時琦靜莽節相諱善奉義侯贈太子太保諡文勤甫握

督篆派李季雲廉訪恩慶時以甘涼道權臬篆來會訊計二十二日讞

畢言旋除夕宿固原之瓦亭驛

三十年庚戌四十四歲